

U skladu sa članom 23. Statuta studentskog parlamenta PIM Univerziteta Senat Univerziteta za poslovni inženjering i menadžment Banja Luka, na svojoj sjednici održanoj dana 14.3.2011. godine donosi

PRAVILNIK O IZBORIMA U STUDENTSKI PARLAMENT

I. OPŠTE ODREDBE

Član 1.

- (1) Pravilnikom o izborima u Studentski parlament bliže se uređuje izbor studenata Univerziteta za poslovni inženjering i menadžment u Studentski parlament.
- (2) Studentski parlament PIM Univerziteta je studentsko predstavničko tijelo organizovano na nivou Univerziteta.
- (3) Studentske predstavnike u Studentski parlament imaju pravo birati svi studenti Univerziteta.
- (4) Izbori se provode na biračkim mjestima koja su određena na Univerzitetu.
- (5) Predsjednik Komisije za kvalitet raspisuje izbore najmanje 30 dana prije njihovog održavanja i saziva konstitutivnu sjednicu Studentskog parlamenta u roku od 15 dana od dana proglašenja važećih studentskih izbora.
- (6) Mandat članova Studentskog parlamenta traje jednu godinu i može se ponoviti.

II. NAČIN PREDLAGANJA I UTVRĐIVANJA KANDIDATA

Član 2.

- (1) Kandidat je svaki student Univerziteta, koji se kandiduje za studentskog predstavnika. Svaki kandidat mora osigurati i zamjenika.
- (2) Pravo predlaganja kandidata za studentskog predstavnika ima student pojedinac, studentska organizacija i nastavnici/saradnici na Univerzitetu.

Član 3.

- (1) Kandidatura na nivou organizacione jedinice Univerziteta (u nastavku teksta OJ) se prijavljuje u obliku izborne liste.
- (2) Svaka godina studija u okviru OJ ima svoju izbornu listu.
- (3) Kandidatura, da bi bila valjana, mora ispunjavati sljedeće uslove:
 - a. ime i prezime kandidata i zamjenika koji se nalaze na izbornoj listi;
 - b. broj indeksa studenata koji se nalaze na izbornoj listi;
 - c. akademska godina u kojoj su prvi puta upisali studij;
 - d. svojeručno potpisane izjave kandidata i zamjenika o prihvatanju kandidature.

Član 4.

- (1) Za valjanost prijedloga liste za izbor predstavnika u Studentski parlament OJ, tačnije svake njene godine studija, potrebno je prikupiti najmanje 1% potpisa birača godine studija OJ na kojoj se lista prijavljuje.
- (2) Kandidatura se dostavlja Izornoj komisiji najkasnije 10 dana prije održavanja izbora.
- (4) Za kandidate na listi OJ odnosno studijske godine mogu glasati samo studenti koji studiraju na toj OJ odnosno studijskoj godini.

III. IZBORNA KOMISIJA

Član 5.

- (1) Izborna komisija se imenuje u svrhu sprovođenja studentskih izbora na nivou Univerziteta.
- (2) Izborna komisija se imenuju iz reda nastavnika, saradnika i studenata Univerziteta. Komisija ima najmanje 5 članova, od čega najmanje 40% čine studenti.

(3) Izbornu komisiju imenuje Komisija za kvalitet, a članove iz reda nastavnika i saradnika predlaže rektor Univerziteta dok članove iz reda studenata predlaže trenutni predsjednik Studentskog parlamenta.

Član 6.

(1) Izborna komisija Univerziteta je dužna utvrditi da li su svi kandidati na izornoj listi predloženi u skladu sa odredbama člana. 2. stava. 2. ovog Pravilnika.

(3) Izborna komisija Univerziteta dužna je javno objaviti sve kandidacione liste na oglasnoj tabli i web stranici Univerziteta 8 dana prije održavanja izbora.

(4) Izborna komisija Univerziteta dužna je odštampati glasačke listiće za izborne liste, te iste dostaviti proporcionalno broju glasačkog tijela na sve OJ Univerziteta.

(5) Ukoliko kandidati žele predstaviti svoje programe Izborna komisija Univerziteta dužna im je, u dogovoru s Rektorom Univerziteta osigurati vrijeme i mjesto predstavljanja.

IV. GLASAČKI LISTIĆ

Član 7.

(1) Oblik, izgled i boju glasačkog listića određuje Izborna komisija Univerziteta.

(2) Broj glasačkih listića mora biti jednak broju glasačkog tijela.

(3) Glasački listić Univerziteta mora biti ovjeren pečatom Univerziteta.

V. NEZAVISNI POSMATRAČI

Član 8.

(1) Svaki student ili grupa studenata imaju pravo nezavisno posmatrati izbore za studentske predstavnike.

(2) Zahtjev za nadgledanjem izbora predaje se osam, (8) a najkasnije tri, (3) dana prije početka izbora u pisanom obliku Komisiji za kvalitet Univerziteta, koja je dužna na zahtjev odgovoriti najkasnije dva, (2) dana prije početka izbora, te odgovor proslijediti Izornoj komisiji i Komisiji za prigovore.

(3) Da bi zahtjev iz prethodnog stava bio valjan potrebno je Komisiji za kvalitet priložiti sljedeće dokumente:

- ime i prezime posmatrača
- fotokopiju prve stranice indeksa
- potvrdu Izborne komisije da nisu kandidati na studentskim izborima. Potvrdu potpisuje predsjednik Izborne komisije OJ Univerziteta na službenom obrascu.

(4) Komisija za kvalitet Univerziteta odlučuje o prihvaćanju ili odbijanju zahtjeva za nagledanje izbora koji se moraju pismeno obrazložiti.

(5) Nezavisni posmatrači mogu biti svi studenti Univerziteta, a koji nisu članovi Izborne komisije Univerziteta, Komisije za prigovore i kandidati za studentske predstavnike.

(6) Nezavisni posmatrači mogu nadgledati provedbu izbora i prebrojavanje glasova, ali u nijednom trenutku ne smiju ometati rad Izborne komisije.

(7) Ukoliko postoje nepravilnosti u provedbi izbora nezavisni posmatrači dužni su iste prijaviti Komisiji za prigovore u pisanom obliku.

VI. KOMISIJA ZA PRIGOVORE

Član 9.

(1) Komisija za prigovore ima pet članova: dva člana Komisije i njihove zamjenike iz redova studenata predlaže Studentski parlament, a imenuje rektor Univerziteta. Tri člana Komisije i njihove zamjenike iz reda nastavnog osoblja predlaže Senat Univerziteta, a imenuje rektor Univerziteta.

(2) Članovi Izborne komisije, kandidati na izborima i članovi Studentskog parlamenta s važećim mandatom ne mogu istovremeno biti i članovi Komisije za prigovore.

(3) Komisija za prigovore dužna je svaki prigovor, koji se u roku od 24 sata nakon objavljivanja izbornih rezultata podnese Izornoj komisiji Univerziteta i koja ga zajedno s potrebnom

dokumentacijom mora dostaviti Komisiji za prigovore, riješiti u roku od pet dana, a zatim dostaviti Izornoj komisiji sastavnice i podnosiocu prigovora.

VII. VALJANOST IZBORA

Član 10.

- (1) Izbori se proglašavaju važećim ako je glasanju pristupilo najmanje 10% ili više glasača – studenata svake godine studija, svake OJ.
- (2) Na izborima je pobijedio onaj kandidat koji je dobio najveći broj glasova.
- (3) Ukoliko dva ili više kandidata imaju isti broj glasova, a jedan ulazi u sastav Studentskog parlamenta izbori će se ponoviti samo za te kandidate.
- (4) Kod ponovljenih izbora pobijedio je onaj kandidat koji je dobio najveći broj glasova studenata koji su pristupili izborima bez obzira na postotak.
- (5) Ukoliko se izbori ponavljaju, ponavlja se samo izborni postupak.

VIII . KONSTITUISANJE STUDENTSKOG PARLAMENTA UNIVERZITETA

Član 11.

- (1) Nakon proglašenja pravosnažnosti izbora oformljuje se Studentski parlament Univerziteta.
- (2) Najkasnije 15 dana nakon proglašenja pravosnažnosti izbora predsjednik Komisije za kvalitet Univerziteta će sazvati i voditi konstitutivnu sjednicu Studentskog parlamenta Univerziteta.
- (3) Na toj sjednici mora se izabrati predsjednik Studentskog parlamenta Univerziteta.

X. ZAVRŠNE ODREDBE

Član 12.

Navođenje imenica: kandidat, student, član i sl. u muškom rodu u ovom Pravilniku ne može se ni u kom smislu tumačiti kao osnova za polnu diskriminaciju ili privilegovanje.

Član 13.

Ovaj Pravilnik stupa na snagu danom donošenja.

Predsjednik studentskog parlamenta
Igor Šabić

Predsjedavajući Senata
prof. dr Žarko Pavić